

# INUIT ATAQATIGIIT INATSIARTUNI



UPA2026/114

11. juni 2026

Ane Hansen

**Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara: Kalaallit Nunaannut isertitaqarfiusinnaasunik nutaanik ataatsimut misissueqqullugit, nunap aningaasaqarneranik nukittorsaanissaq aammalu Danmarkimiit ataatsimoortumik tapiissutitigut (bloktilskud) pinngitsuuisinnaassutsip annikillisarnissaa siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinerup inerneru UPA27 nallertinnagu Inatsisartunut agguanneqassaaq.**

(Inatsisartunut ilaasortaq Erik Jensen, Siumut)

Inatsisartunut ilaasortaq Erik Jensen Siumut siunnersuumut soqutiginarumut qujanaq.

Siunnersuummi pineqarpoq Kalaallit nunaannut isertitaqarfiusinnaasunik nutaanik ataatsimut misissueqqissaarnissaq, aningaasarniornikut pingaarnertut isertittakkatta aalisarnerup kiisalu Danmarkimiit ataatsimoortumik tapiissutitigut isumalluuteqarluni tunngaveqartup nutaamik eqqarsarluni siunniussaqaarlunilu Aningaasaqarnikkut ineriartortitsineq nukittunerusoq piujuartitsinissamillu tunngaveqartoq qulakkeerniarlugu pingaartillugulu nunap isertitaqarfigisinnaasaanik nutaanik ineriartortitsissasoq periarfissai ingerlaavartumik misissorneqartarnerisigut.

Kalaallit Nunaata aningaasaqarnikkut tunngaviata nukittorsarneqarnera aningaasaqarnikkut nammineersinnaanerunermik atugarissaarnermillu pilersitsisinnaasoq siunnersuuteqartoq isummermat Inuit Ataqatigiinnit isumaqatigarput.

Sumiiffiit arlallit isertitaqarfinnik ineriartortitsivigineqarsinnaasutut isikkoqarput. Taakkununga ilaallutik takornariaqarneq, pinngortitap pisuussutaanik atuineq, nioqqutissanik nunanut allanut tuniniaanissamut periarfissat nutaat, nukissiuutit mingutsitsinngitsut ineriartortinneri kiisalu inuussutissarsiutit allat ineriartortitsinissamut periarfissaqaarluarnerput siunnersuuteqartup oqaatigisaa Inuit Ataqatigiinnit aamma isumaqatigarput. Kalaallimmi Nunarput periarfissanik atorpeqangittunik aningaasarsiutigalugit ineriartortinneqarsinnaasunik peqarluarmat.

Siunnersuuteqartoq isumaqatigarput siunnersuummini assersuuteqarmat nunatsinni pisuussutitsinnik soorlu aalisakkanik qalerualinnillu avammut nioqqutissiornermi nunatta iluani aalisakkanik nalittorsaaneq suli ersarinnerusumik

# INUIT ATAQATIGIIT INATSISARTUNI



inertortittariaqaripput. Aamma eqqaavaa Nalakkersuisuusartut sappiiserlutik aalisarnermik inatsimmik allanguisarnerisa maanna pitsaasumik kinguneqalernerat misigigipput.

Taamatut oqarnek isumaqatigilluinnarparput tassami aalisarnermik inatsip allangortinneqartarneri kingjullit marluk eqqarsaatigalugit maanga killissimavugut siorna mitalutulu aalisarnermik akileraarutigut isertitagut aatsaat taamak amerlatigisut nunatta karsianut malunnaatilimmik iluaqutaasut . Qularnanngilarlu pisassiissutigineqartartut amerliartunngikkaluartut ukioq manna aamma aalisarnermi isertitagut nunatta karsianut pitsaasumik sunniuteqarumartut.

Aamma maanna misigisalerparput aalisartitsiveqatigiit aalisagaq ingitaqarpallaaratik tamakkiinerusumik nioqutissiornikkut atorlualeriartoraat soorlu aalisakkap tingua, aalisakkap uluai, oqaa aqajai nioqutissiaralugit misileraasalersut nunarsuarmi pisisartunik piunanearluarmata. Tamanna aamma aalisarnermit amerlanerusunik isertitaqartalernissamik kinguneqassooq. Tamatuma saniatigut aalisarnermi nunanut niuverfitsinnut toqqaannarnerusumik tunisassiorneq sulit pitsaanerusumik inertortinneqarsinnaavoq aningaasarsiornikkut iluaqutaasumik.

Tamatuma saniatigut imminut pilersorneq ukiorpassuarni inimi maani oqallisigiugapput alloriarfigisariaqalerparput, siullermik nunatta iluani inuussutissanik imminut pilersornermi annertusaasariaqarpugut nunatta avataaniit inuussutissat eqquussukkagut unammillernerullugit. Maannamut unamminarnerpaaq nunatta iluani nioqutissanik assartuussineq iliuseqarfigissavarput aamma iliuseqarumallutik pilersaaruteqartut eqqumaffiginerusariaqarpagut, soorlu inukittunnguugatta sinersortaatigut nutarterinissamik siunniussaqtartut tunisassianik nutaanik nunatsinnersunik siammaasseqataanissamik siunertallit tapersorsornerusariaqarpagut atorluarlugillu.

Aamma takornariartitsinermi periarfissat nutaat kommunini arlalinni aallunneqartut tapesorsorneqartariaqarput soorlu nuna eqqissisimatitaliornerup siunertaanik alaatsinaanneruneq ersarissumillu tapersersuineq aallunneqartariaqartut. Nunani allani Nationalparkiliortiternerit nunat aningaasarsiornikkut iluaqutigilluartaat takorerpagut.

Periarfissarpasuit saniatigut suliffeqarfissuit inuiaqatigiit pigisai pisussaaffilerneqartariaqarput inuutissariornermi siuarsaanermi ikioqatigiittussaataitanikkut pitsaanerujussuarmik suleqataanissaat Naalakkeruisunik ersarissumik piunasaqaatigineqartariaqalerpoq, suliffeqarfiutittami ilaat imminnut unammillertutullusooq ingerlasarmata naak pitsaanerusumik suleqatigiinnikkut nunatsinni inuutissariornikkut aningaasarsiornikkullu iluaqutaasumik inertortitsinermi suleqatigiissinnaagaluarlutik.

Tamatuma saniatigut Naalakkersuisut suliniutit pitsaasut ingerlateriigaat tapesorsorpagut soorlu Kalaallit Nunaanni Aningaasaqarnermut

# INUIT ATAQATIGIIT INATSIARTUNI



Siunnersuisoqatigiinnik isummersortitsinerat aamma Attassiinnarnissamut Ineriartortitsinissamullu pilersaarut 2-mik suliaqarnermi atugarissaarnissamut pitsaanerusumik tunngavissiissoq, ungasinnerusumi ataatsimut tapiissutit isumaannik annikinnerulersitsinissamik suliaqarneq. Aningaasatigut naleqarnerulersitsinissaq pillugu siusinnerusukkut siuniussamilu aalajangiinernit misilittakkat pitsaasut ineriartortinneqartullu. Naalakkersuisooqatigiinnissamik isumaqatigiissut 2025-meersoq, aningaasatigut naleqarnerulersitsinissamik aamma siunertaqarpoq.

Tassunga atatillugu misissueqqissaarnernik attuumassuteqartunik arlaqartunik Naalakkersuisut suliaqarlutik aallartitsererput, tamannalu pissutigalugu Naalakkersuisut allanguutissatut siunnersuutaat Inuit Ataqatigiinnit isumaqatigarput.

Taamatullu oqaaseqarluta siunnersuutip aappasaanerreqartinnani Aningaasaqarnermut ataatsimiisitaliami suleringaqqinnissaa inassutigarput.